



Agency for Development of Higher Education and Quality Assurance of Bosnia and Herzegovina

Broj: 05-33-1-414- 4/18

Datum: 29.11.2018. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, broj 59/07 i 59/09), u postupku uslovne akreditacije visokoškolske ustanove **Sveučilište Hercegovina**, direktor Agencije za razvoj visokog obrazovanja i osiguranje kvaliteta (u daljem tekstu: Agencija), donosi

RJEŠENJE

o imenovanju komisije stručnjaka za ocjenjivanje i reviziju kvaliteta i davanje preporuke o akreditaciji visokoškolske ustanove Sveučilište Hercegovina

1. Za obavljanje ponovne posjete visokoškolskoj ustanovi Sveučilište Hercegovina, kojoj je u prethodno provedenom postupku akreditacije dodijeljena uslovna akreditacija na period od dvije godine, imenuju se:
 1. *Bernadin Ibrahimpašić, predstavnik akademske zajednice u Bosni i Hercegovini, predsjednik;*
 2. *Meliha Bijedić, predstavnik akademske zajednice u Bosni i Hercegovini, član;*
 3. *Sanja Hajdukov, predstavnik privrede i prakse u Bosni i Hercegovini, član;*
 4. *Saša Milić, međunarodni stručnjak, član,*
 5. *Gordana Višekruna, student, član*
2. Stručnjaci iz stava 1. obaviti će jednodnevnu posjetu visokoškolskoj ustanovi **Sveučilište Hercegovina** tokom koje će izvršiti provjeru ispunjenosti kriterijuma koji su ocijenjeni kao djelimično ispunjeni u prethodno provedenom postupku akreditacije.
3. Stručnjaci u postupku ponovne posjete visokoškolskoj ustanovi radit će u skladu sa Odlukom o kriterijumima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, broj 75/10) i Odlukom o normama kojima se određuju minimalni standardi u području visokog obrazovanja u Bosni i Hercegovini ("Službeni glasnik BiH", broj: 100/11).
4. Finalni izvještaj Komisije stručnjaka, koji obavezno sadrži nalaze, preporuke i mišljenje o ishodu akreditacije, se dostavlja Agenciji radi izdavanja preporuke o akreditaciji.
5. Izvještaj ne može sadržavati natpise ili znakove bilo koje ustanove ili institucije.

6. Rješenje o imenovanju stručnjaka je konačno i objavit će se na web stranici Agencije.
7. Rješenje stupa na snagu danom donošenja.

O b r a z l o ž e n j e

Agencija za razvoj visokog obrazovanja i osiguranje kvaliteta Bosne i Hercegovine (u daljem tekstu: Agencija) je na temelju prijedloga Ministarstva obrazovanja, nauke, kulture i sporta Hercegovačko-neretvanskog kantona, broj: 10/1-38-22907-3/14 od 15.01.2015. godine Rješenjem, broj: 05-33-1-526-5/15 od dana 30.10.2015. godine imenovala Komisiju stručnjaka za akreditaciju visokoškolske ustanove Sveučilište Hercegovina. Posjeta visokoškolskoj ustanovi obavljena je u periodu od 15. do 17.12.2015. godine.

Dana 22.02.2016. godine Agenciji je dostavljen Izvještaj komisije stručnjaka o eksternoj evaluaciji visokoškolske ustanove Sveučilište Hercegovina u kojem je data analiza, ocjena i revizija kvaliteta ove ustanove, te dato mišljenje Komisije da se visokoškolska ustanova Sveučilište Hercegovina uslovno akreditira.

Agencija je 04.11.2016.godine donijela Preporuku da se postupi u skladu sa mišljenjem Komisije stručnjaka, te da Ministarstvo donese rješenje o uslovnoj akreditaciji visokoškolske ustanove Sveučilište Hercegovina sa instrukcijama o provođenju naknadnih aktivnosti, na period od dvije godine.

Ministarstvo obrazovanja, nauke, kulture i sporta Hercegovačko-neretvanskog kantona donijelo je Rješenje o uslovnoj akreditaciji visokoškolske ustanove Sveučilište Hercegovina broj: 05-03-40-1997-11/14 od 19.12.2016.godine i isto dostavilo Agenciji radi ocjene usklađenosti rješenja o akreditaciji sa minimalnim standardima iz područja visokog obrazovanja i kriterijima za akreditaciju visokoškolskih ustanova u Bosni i Hercegovini. Na osnovu prijedloga Komisije za ocjenjivanje usklađenosti Rješenja o akreditaciji visokoškolske ustanove Sveučilište Hercegovina, a u skladu sa Instrukcijom o načinu ocjenjivanja usklađenosti rješenja o akreditaciji sa minimalnim standardima iz područja visokog obrazovanja i kriterijima za akreditaciju visokoškolskih ustanova u Bosni i Hercegovini donijeto je Rješenje o upisu visokoškolske ustanove Sveučilište Hercegovina u Državni registar akreditovanih visokoškolskih ustanova broj: 05-33-1-526-19/15 od 31.01.2017.godine.

Dana 10.09.2018.godine Agencija je od Ministarstva obrazovanja, nauke, kulture i sporta Hercegovačko-neretvanskog kantona zaprimila Akcioni plan za poboljšanje i unaprijeđenje sistema kvaliteta na Sveučilištu Hercegovina kao i Izvještaj visokoškolske ustanove Sveučilište Hercegovina o provedbi pomenutog Akcionog plana, sa ciljem organizovanja ponovne posjete Komisije stručnjaka kako bi se ocjenila ispunjenost kriterija koji su u prethodnom postupku ocijenjeni kao djelimično ispunjeni.

Agencija je nadležna za imenovanje komisije stručnjaka za akreditaciju kao i za organiziranje postupka osiguranja kvaliteta visokoškolskih ustanova i studijskih programa. Uvažavajući odredbe iz člana 19. stav 4) Pravilnika o akreditaciji visokoškolskih ustanova i studijskih programa Hercegovačko-neretvanskog kantona („Službene novine HNK“, broj: 04/12), odlučeno je da ponovnu posjetu visokoškolskoj ustanovi, obave svi članovi prethodno imenovane Komisije stručnjaka.

Postupak akreditacije visokoškolske ustanove Sveučilište Hercegovina obavljen je u skladu sa Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, broj 75/10), Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, broj: 100/11) i u skladu sa Pravilnikom o akreditaciji visokoškolskih ustanova i studijskih

programa Hercegovačko-neretvanskog kantona („Službene novine HNK“, broj: 04/12), te su imenovani stručnjaci dužni u svome radu da primjenjuju navedene dokumente.


Nakon obavljene jednodnevne posjete visokoškolskoj ustanovi, imenovani stručnjaci dužni su sačiniti izvještaj sa nalazima, preporukama, i mišljenjem o ishodu akreditacije koji je usaglašen između svih članova Komisije stručnjaka. Posjetu visokoškolskoj ustanovi i sastavljanje izvještaja imenovani stručnjaci dužni su obaviti u roku od 30 dana od dana prijema rješenja o imenovanju kako bi na osnovu dostavljenog izvještaja i mišljenja komisije Agencija nadležnom Ministarstvu dala preporuku o akreditaciji.

Ovo rješenje ima se dostaviti Ministarstvu obrazovanja, nauke, kulture i sporta Hercegovačko-neretvanskog kantona radi zaključenja ugovora sa imenovanim stručnjacima kojim će se regulirati pitanja naknade za rad, način i rok isplate.

Zbog svega naprijed navedenog odlučeno je kao u dispozitivu.

Pouka o pravnom lijeku:

Protiv ovog Rješenja Agenciji za razvoj visokog obrazovanja i osiguranje kvaliteta može se uložiti prigovor u roku od 8 dana od dana prijema Rješenja.



Direktor

Prof. dr. Enver Halilović

Dostavljeno:

1. Imenovanim stručnjacima;
2. Ministarstvu obrazovanja, nauke, kulture i sporta Hercegovačko-neretvanskog kantona
3. Visokoškolskoj ustanovi Sveučilište Hercegovina
4. Sektor 05
5. a/a